

netur, ipse nescias, cui sit assurgendum. Operæ
igitur pretium fuerit, utriusque partis expende-
re momenta; quæque tractarunt vel paulò frigi-
diùs, vel obscuriùs, luce donare vivaciore.

2. Dimicantes provocamus Architalassos:
MEVIUM nempe *part. 6. Decis. 405.* & LEYSE-
RUM in *medit. ad pand. specim. 135. medit. 5.*
„ Jusjurandum (ita ait posterior) etiam ab illo,
„ qui nullum planè, nec vero simile quidem,
„ argumentum pro se habet, deferri potest. „
Contra priori placet, iis in circumstantiis locum
non esse jurijurando. „ Idcirco (inquit) non
„ fuit admissa delatio juramenti judicialis in ta-
„ li specie, ubi auctor exigebat pro ædificii impen-
„ diis centum ultra ea, quæ in chartâ exhibitâ
„ reus promiserat: Cùm additum esset, pro sum-
„ mâ expressâ omne, quo opùs esset, ædificari
„ debere.

C A P U T I.

*Referuntur ajentis sententiæ
momenta.*

3. Duplicis sunt generis: quædam à ratione,
quædam ab expressâ Legum auctoritate suppedi-
tari,

tari, creduntur. Hæc (postrema scilicet) quæ
sint, hic loci videamus. „ Tutor pupilli (ita
„ PAULUS in leg. 35. ff. de jurejur.) omnibus
„ probationibus aliis deficientibus, jusjurans
„ dum deferens, audiendus est. „ Atque solâ
hac diremptam esse controversiam, putat LEYSERUS.
Conglobant alii quām plurimas; quas
inspexisse, non erit inutile.

4. „ In omnibus visionibus (sic idem PAULUS in leg. 25. §. 3. ff. de probat.) quas præposuimus (malunt alii : proposuimus) licentia
concedenda est ei, cui onus probationis in-
cumbit, adversario suo de rei veritate jusju-
randum inferre. „

5. Gemina (& æque generatim) statuit
PRÆTOR in leg. 34. §. 6. ff. de jurejurando. dum
ibidem edicit: *eum, à quo jusjurandum petetur,*
solvere, aut jurare, cogam.

6. Iterùm PAULUS in leg. 38. ff. de jurejur.
dicit: *manifestæ turpitudinis & Confessionis est,*
nolle nec jurare, nec jusjurandum referre.

7. Eò etiam collimant, quæ in leg. 12. C.
de reb. cred. statuit JUSTINIANUS IMPERA-
TOR. „ Omne (inquit) juramentum, sive à

„ judicibus sive à parte illatum , vel *in principio*
 „ *litis*, vel in medio, vel in ipsa definitivâ senten-
 „ tiâ, sub ipso judice detur ; non exspectatâ vel
 „ ultima definitione , vel provocationis formi-
 „ dine. „ Si itaque in ipso litis principio jusju-
 randum liceat deferre ; fiet sine dubio eo tem-
 pore, quo nihil adhuc ab auctore est probatum.

8. Et hæc firmari magis videntur per *leg.*
ult. Cod. de jure deliber. §. 10. „ Licentia (sic re-
 „ scribit idem Imperator) danda creditoribus,
 „ vel legatariis , vel fideicommissariis , si majo-
 „ rem putaverint esse substantiam à defuncto de-
 „ relictam, quām heres in inventario scripsit . . .
 „ ut possint hoc probare *per juramentum illius*
 „ (heredis nempe) *si aliæ probationes defece-*
 „ *rint.* „

9. Eadem jam ante in *leg. 9. Cod. de reb. cred.*
 statuerant Imperatores DIÖCLETIANUS , &
 MAXIMIANUS; Ubi sic Respondent MARTIA-
 NO: *delata conditione jurisjurandi, reus . . .*
vel solvere, vel jurare . . . necesse habet.

10. Hactenus de legum (queis nituntur ad-
 versarii) auctoritate. Audiamus nunc eorundem
 rationes, Optabilis (sic ajunt) & Reipublicæ , &
 cuivis

cuivis reo debendi, est expedita hæc juramenti deferendi facultas. Reipublicæ quidem: quia facile jurgia litesque componuntur; ac proinde conservandæ quietis in promptu est remedium. Reo etiam debendi: dum testis, quin & Judex, in propriâ fit causâ. Addunt: integrum actori est, ante omnem etiam probationem articulos (ut vocantur) *dandorum* Judici porrigere, & ius auctoritate reum compellere, ut (*juratd* etiam) ad eosdem respondeat; quidnî igitur licet, jusjurandum, quod totam componat controversiam, deferre? Maximè ubi vir pius paulò fidentius, quam par erat, (scilicet nec scripturâ, nec testibus adhibitis) peramplam fortè credidit pecuniæ copiam: Cum, sine hâc juramenti deferendi facultate, de pietate certò certius sit triumphatura impietas. Atque inde est, quod (si Clarissimo LEYSERO sit fides) hæc doctrina hodiecum plerisque improbetur jurisconsultis. Habes rationum, quas jaçtant, pondera; Habes & legum, quibus utuntur, momenta.